

DISPUTATIO INAUGVRALIS
MEDICA

De

MALO HYPO-
CHONDRIACO,

Quam,

Adspirante Supremi Numinis Gratia,

Consentiente

GRATIOSISSIMA

FACVLTATE MEDICA
IN ALMA NORICORVM VNIVERSITATE
ALTDORFFINA,

PRO LICENTIA

Summos in ARTE MEDICA HONORES
& PRIVILEGIA DOCTORALIA
ritè acqvirendi,

*Publicæ Eruditorum Censuræ
submittit*

JOHANNES CHRISTOPHORVS STORCK,
Hervordiâ Westphalus, ibidem Canonicus.

Ad diem XIII. Februarii, A. O. R. M DC LXXXV.

ALTDORFFI,

Literis HENRICI MEYERI,
Univ. Typographi.

Digitized by the Internet Archive
in 2019 with funding from
Wellcome Library

<https://archive.org/details/b30767490>



Proœmium.



Ristoteles quondam interrogatus, quidnam esset homo? scitè non minus quàm verè respondit: imbecillitatis exemplum, temporis spoliū, fortunæ lusus, inconstantiae imago, invidiæ & calamitatis trutina, reliquum verò pituita & bilis. O miserum hominem, imò miserrimum, si dicente Hippocratis oraculo, ὁλὼν ἀνδρῶν ὁ ἐκ νόσων ἔστιν! Sanè enim homo ne momentum temporis sibi certò polliceri potest, quo ab imminentibus morbi alicujus procellis fluctibusq; tutus sit: Nec unus tantum hominem invadit morbus, quin malorum agmina catervatim sæpè in ipsum irrunt, prout Afflictionis hypochondriacæ exemplo comprobare licebit, quæ merito suo malorum ilias dici debet, & ægrorum sæpe ac Medici spem eludit, ut proin non malè operam me collocaturum existima verim, si nominatam afflictionem, literatorum alioquin juratum hostem, in Dissertatione præsentè Inaugurali, ex Decreto & Consensu GRATIOSISSIMÆ FACULTATIS MEDICÆ ALTDORFFINÆ, habendâ, quoad modum generationis & solutionis spectandam exhibuerim, & quidem breviter, cùm temporis penuria & alia impedimenta brevem me esse jubeant. Interea faxit DEVS, ut hoc meum propositum mihi bene vertat!



TH. I.

PLato quasi quidam Philosophorum Deus, iudice Cicerone, inter effata memoratu digna non postremum reliquit sequens: Posse nimirum res easdem variis circumstantiis considerari, variisque ideò nominibus insigniri. Et sane hoc ipsum quotidiana, circa nomina rebus imponenda vel imposita, consuetudo confirmat, ut proin neminem admiratio subire debeat, multos morbos diversis nominibus superbire, pro symptomatum varietate, quibus sui præsentiam patefaciunt, siquidem cum sua cuilibet sit conceptorum idea, varii conceptus nominales oriuntur.

II.

Nec necesse est, ut pro confirmatione aliquod exemplum è longinquo petam, cùm tale subministret ipse affectus, quem hîc pertractandum sumsi. Quidam enim denominationem à subiecto petentes, eundem passionem hypochondriacam vocarunt, quod nimirum hypochondria cartilaginibus costarum infimis utrinque finitima, & partes sub illis intus contentas, maximis divexari symptomatibus viderint. Alii affectum dixerunt flatulentum, dum flatuum, qui in hoc affectu occurrunt, abundantiam considerarunt. Spagyrici tartari hypochondriaci nomine ipsum denotarunt, denominationem petentes à causa, quod nimirum sanguis in hoc morbo circa hypochondria stagnans, secundum hypothesein illorum, sit limosus, fæculentus, tartareus. Tandem propositum hunc affectum morbum literatorum appellarunt, denominatione accidentali, cùm vix unus aut alter eorum se ab hoc morbo liberum proclamare possit. Reliqua Synonyma huc transcribere super-

vaca-

vacaneum duxi, quod præter alios *Cel. Sennertus* operose
fatis illa collegerit *l. 3. prax. p. 5. f. 1. c. 1.*

III.

Missâ igitur **Synonymiâ** & **Homonymiâ**, (quæ potis-
simum in eo consistit, quòd affectio hypochondriaca
latè sumatur pro omnibus morbis, partes sub hypo-
chondriis contentas occupantibus, strictè pro illâ tan-
tum afflictione, qua de præsens instituta est dissertatio,)
ad naturam affectus nostri in descriptione quapiam ex-
hibendam progredior, cum difficillimum sit illum de-
finitionis logicæ comprehendere compendio. Descri-
ptio igitur talis esto: Malum hypochondriacum est syn-
drome variorum symptomatum, in actionibus naturali-
bus, vitalibus, & animalibus læsis præcipue notabilium,
præsupponentium non unius generis morbum, sed
complicatum, à defectivâ chylosi ac hæmatosi depen-
dentem.

IV.

Generis loco syndromen posui variorum sympto-
matum, quæ in recensione signorum diagnosticorum
producam; symptomata verò cum morbum veluti um-
bra corpus sequantur, morbū pariter non unum hic ad-
esse quisq; intelliget. Nam præter Intemperiem cacochy-
mam universi corporis, hujusq; viscerum, chyli præci-
pue elaborationi, sanguinisq; depurationi aut exaltationi,
aut utriusq; dispensationi vacantium, morbi meatuum,
aut magnitudinis auctæ, aut solutæ unitatis concurrunt,
illos namq; obstructions, istos p. n. tumores, hos do-
lorum molestiæ produnt.

V.

Ex dictis etiam patet, quodnam asferam subiectum
mali hypochondriaci: Nempe enim subiectum morbi,
quod scil. p. n. afficitur, statuo adæquatum, totum cor-

pus, formale autem & proximum viscera, quæ chyli elaborationi, sanguinisq; depurationi aut exaltationi, vel utriusq; dispensationi vacant, nominatim Ventriculum, Intestina, Mesenterium, Epar, Lienem, Pancreas, Pulmones, Cor, &c. cum glandulis & vasis. Subiectum verò radicale causarum hîc peccantium, universam Massam sanguineam pronuncio.

VI.

Sed propius nunc accedendum est ad Causarum morbificarum scrutinium, quæ inter primum indaganda venit Causa proxima, sive immediata; hanc igitur existimo esse chylum ac sanguinem, particulis crudis, lentis, viscidis, limosis, præter naturam abundantem; ut idè depressis in sanguine portionibus Quosis, balsamicis, Cinæ in fluorem evehantur, acidumq; præternaturale humoribus & Quibus per corpus circulari solitis ingeneretur, unde experientiæ testimonio constat, homines, qui acidis vinis delectantur, item muriaticis & oxyporis condimentis appetitum quotidie sollicitant, torminibus intestinorum, hypochondriorum inflationibus, aliisq; nostrum affectum comitantibus symptomatibus, affligi; quòd si igitur ab assumptis acidis tanta Tragoedia in corpore excitari potest, inde concludere licebit sanguinem symptomatum autorem, etiam acido quodam p. n. scattere, licet pro varia corporum idiosyncrasia non eosdem proferat fructus: Præterea à curatione quoque pro acido hoc asserendo argumentum desumere licet, cum enim omnia acidum extra corpus humanum infringentia, etiam intra corpus assumpta morbo huic proficua existant, per analogismum concludi potest, medicamenta talia acidum infringentia, secundum eundem operandi modum operationes suas exserere.

VII. Cau-

VII.

Causas quod attinet *αἰτιολογίας*, quæ sanguinem ad dyscrasiam talem disponunt, illas mihi dividere placet in naturales, nonnaturales, & præternaturales. Inter naturales primo se offert, commune totius corporis promptuarium, Ventriculus, qui cum menstruo acido *Θίνο* (uti id firmissimis argumentis demonstravit *Speçtatiss.* DN. DECANVS, *Vir Nobiliss. Ampliss. Excellentiss. atq. Experientissimus*, DN. JOH. MAVRIC. HOFFMANNVS, *Phil. & Med. D. Chem. & Anatom. Prof. Publ. Celeberrimus, Acad. S. R. I. Natur. Curios. Collega, Præceptor ac Promotor meus jugiter colendus, in Notis ad Joh. van Horne Microcosm. p. 79.*) alimenta Ventriculo ingesta dissolvat, crassiores ac solidiores illorum particulas in minima frustula discerpat, fixa volatilifet, pro varia hujus menstrui corruptione, variè etiam assumpta corrumpi, facilè quilibet perspicere valet. Quodsi enim menstruum hoc iners ac deficiens sit, alimenta non satis dissolvuntur, sed cruda & semicocta per viam ordinariam ad intestina propulsa, ubi ad venas lacteas pervenerint, in illis aut stagnant, aut si ulterius à Lympha diluente adjuta perrexerint, Massæque Sanguineæ confusa fuerint, quantas hic turbas sint datura, facile quivis conjicere poterit; sin vero menstruum hoc nimium acorem contraxerit, subjugatis spirituosius volatilibus ejus crasin ingredientibus particulis, idem chylum simili charactere imbuat, atque insigniter contaminat, qui cum Massæ Sanguineæ confusus fuerit, multorum symptomatum hoc in affectu præsentium, & à lancinatione partium membranarum, stagnationeque periculosa sanguinis provenientium, causa existere potest. E contra vero, si idem menstruum ex errore quodam circa dulcium & aromaticorum nimium usum commissio acorem

rem deponat \ominus ino-sulphureis particulis exaltatis, chylus eundem characterem induens, ubi sanguinis accesserit Oceanum, multas anomalias in illo concitare, ejusque crasin naturalem pervertere valet, unde variæ phlogoses provenire solent. Quin etiam si tonus Ventriculi nimis laxetur, & à continuatis potationibus fibræ ejus nimis extendantur, & attenuentur, ineptus ille evadit ad assumpta arcte complectenda, liquoremq; fermentalem rite exprimendum ex glandulis suis, unde etiam assumpta non rite fermentantur, sed chylus viscidus ac tenax, nec rite volatilifatus producitur, qui sanguini infusus, illum etiam crassum, viscidum, & æquabili fermentationi ineptum reddit.

II X.

Sed misso Ventriculo, consideremus quodnam reliqua in infimo ventre contenta viscera sanguinis depurationi & exaltationi aliàs dicata, huc conferant morbosum symbolum. Ubi primo occurrit Epar, ex quo p. n. constituto affectionem hypochondriacam originem fumere *Vir Nobiliss. Ampliss. Excellentiss. atq; Experientissimus* DN. MAURICIVS HOFFMANNVS, *Senior, Med. D. ac Professor primarius longe Celeberrimus, Potentiss. Elect. & Sereniss. Marchion. Brandenburg. Ducumq; Wirtemberg. atq; Reipubl. Noriberg. Archiater felicissimus, Fautor, Hospes ac Præceptor meus omni observantia colendissimus, in Prud. Med. disp. XV. eruditissime demonstravit, hoc enim viscus cūmbilem ope glandulosorum acinorum percolatione quadam à reliquo sanguine secernat, ut illa in intestinum duodenum motu intestinorum peristaltico propulsa, Oelixivioso suo, particulas Massæ assumptorum fermentatas acidas arripiat, seque cum iisdem uniat, alkalicis volatilibus oleosis dimissis, venarumque lactearum*

rum oscula subeuntibus, uti id ipsum nervose demonstravit *Speſtatiff. DN. DECANVS in ſuprà citatis Notis ad Horn. pag. 82.*, hinc neceſſariò evenit, ut ubi bilis hæc ſecretio imminuta fuerit, aut licet hæc recte peragatur, nullus tamen exitus eidem ad inteſtinalem fiſtulam conſeſſus fuerit, chylus ſuam in ſtomacho conceptam aciditatem haud exuat, ſed illam retineat, ſanguiniq; permixtus dyſcrasie acidæ autor exiſtat,

IX.

Nec Pancreas ſilentio prætereundum eſſe puto, hujus enim ſuccus ſubacidulus, & volatili temperatus, & quaſi involutus, ſi propter ſtagnationem nimiam in ductu factam, & denegatum ad inteſtina exitum, in acidum manifeſtum degeneret, chylo tranſeunti confuſus acidam dyſcrasiam pariter communicare vel affundere valet.

X.

His conſideratis ſe ſiſtit lien, in quo cùm ſanguini fermentum quodpiam alcalicum per nervos copioſiſſime hoc viſcus perreptantes, debeat aſſociari, ut ejus particulæ ſegniores in motum vindicentur, exaltentur, & attenuentur, quò promptius inde per impeditiſſimos Epatis meatus pergere, atque bilem inibi deponere queat, non novum, ſi hæc & cum ſanguine permixtio, vel imminuatur, vel aboleatur, vel depravetur, ſanguinem fæculentioſorem & terreſtριοſorem minusque ſuaſum hepar ingredi, ſecretionemque bilis impedire potius, quam promovere, unde aduſtæ illæ portiones ſanguini permixtæ manentes, ejus craſin indies deterioſorem reddunt.

XI.

Nec culpâ in producendo malo hypochondriaco vacant vitia renum, hi enim in officio ſuo ſegnes redditī, laticem ſeroſum non debito modo ſecernunt, unde Mas-

sa sanguinea ab hoc fero superfluo inundationem quasi patitur, particularumque Ω uosarum enervatio & suppressio insequitur, quibus suppressis, aciditatum morborum in corpore observatur dominium.

XII.

Jam verò cum causæ hæ naturales rerum non naturalium varia delicta præsupponant, ex illarum classe primo considero aërem, cujus tanta in hac vita necessitas, ut quamdiu extra uterum vivimus, ejus usura carere nequeamus. Hic Massam Sanguineam ratione Θ is sui volatilis Φ si volatilifat, & attenuat, ejus spiritua scintillam promovet, motum tam intestinum quam progressivum celeriores reddit, quod si verò Θ hoc aëris Φ sum à tempestate humidâ ventisq; austrinis nimis diluatur, sanguis elasticitate aëris Φ si orbatus, segnius effervescent, tardiusq; circulatur, unde omnes quoque partium corporis functiones labascunt; si verò Φ hoc aëris nimis concentratum sit, particulæq; ejus nimis rigidæ & stypticæ quasi evadant, hæ sanguini communicatæ illum incrassant, & quasi coagulant, fermentiq; aciditatem volatilem in fixam transmutant. Post aërem considerandi cibus & potus, qui morbo huic uberrimam ansam præbent, sive quantitate peccent, utendi modo, ac tempore, sive qualitate; præprimis vero huc faciunt olera, legumina, fructus horæi, carnes fumo induratae, cum enim Θ volatile per exsiccationem istam in fumo in auras abierit; parum Ω uositatis plurimum vero terreitatis cum Θ is communis acidis particulis in illis, remanet, qualis vero cibus, talis chylus, tale nutrimentum, & hinc dependens partium, harumque actionum, vigor, ac bona dispositio, uti enim ex spina non colligitur rosa, ita etiam ex alimentis omni spirituositate depauperatis spiri-

spirituosus chylus produci nequit. Potus quoque vitia hic consideranda, si enim per fermentationem à particulis suis fæculentis tartareis non ritè depuratus sit, hæ tales fæculentiæ sanguini permixtæ ipsius bonam diathesin valde destruunt, ejusq; effervescentiam à Θ ibus volatilibus dependentem infringunt. Præprimis vina acida, & Ω Vin. nimius abusus huic affectui ansam præbent, hic enim cum nimia oleositate sua fermentum ventriculi obtundat, facile patet hoc debilitato multos crudos humores post ejus sinistrum usum corpus oneratueros fore. Motus quoque fomitem huic morbo subministrat, si immoderatus sit, dum enim per crebriorem musculorum contractionem sanguinis per corpus transitus celerior evadit, ille magis rarefcit, hincq; copiosius per arterias ad glandulas subcutaneas affluit, quàm ut à venis rursus absorberi queat, quare multas serositates ibi deponit, quæ cum magnam spirituum copiam simul ex corpore educant, (quod ex languore post motum corporis vehementiorem colligere licet,) Ω bus his sanguis orbatus facile Θ ibus dominium relinquit, quæ extraversa mille malorum in corpore autores existunt: Maximè vero nocet motus talis, si statim post pastum instituatur, cum enim post assumptum cibum spiritus copiosius ad stomachum defluant, (uti ex hoc phænomeno colligere licet, quòd semper extimas corporis partes post pastum refrigerari sentiamus,) sane si illi ab hoc ordinario itinere revocentur, inque alios usus impendantur, non potest non digestionis primæ arduum negotium insigniter turbari. Quod si vero motus deficiat, nimiaq; corpus torpedine gaudeat, inde evenit, ut neque influxus vitalis partibus rite communicetur, neque humiditates excrementitiæ atque superfluæ per insensilem transpirationem

nem excutiantur, quin remanentibus illis in corpore motus fermentativus sanguinis plurimum inhibeatur, fermentiq; activitas destruat. Paria præstat somnus, cum motu nimio, si ipsi longiori tempore indulgeatur, spiritus enim obscurantur, motus humorum naturalis retardatur, crudique humores & omnis generis supervacanea exaggerantur. E contrario vigiliæ nimix exhauriunt, hincq; alimentorum concoctionem impediunt, unde cruditates variæ emergunt, facilisq; ad hunc affectum via patet. Nimia quoque retinendorum excretio, & intempestiva excernendorum retentio, ad hunc affectum producendum multum conferunt, quando enim succorum laudabilium copiosa fit dejectio, & spirituum animalium cum illa absumptio, inde Massa Sanguinea valde depauperatur, ut constitutio ejus quasi vappida evadat, chylumq; recens infusum sibi non rite assimilare queat, sin vero particulæ excrementitiæ, post inhibitas quascunq; evacuationes solitas, v. g. hæmorrhoides suppressas, menses obstructos, secundum naturæ leges haud excernantur, sed aut penitus aut quoad partem retineantur, atq; in Massam Sanguineam redundent, facile flammam vitalem opprimere, ejusque vigorem sufflaminare valent. Tandem quoq; animi pathemata in hoc affectu producendo suas agunt partes, imprimis curæ, moeror, tristitia, terror, in his enim affectibus spiritus retrocedunt, sanguinemq; in exterioribus corporis partibus derelinquunt, quo gratioso sanguinis rectore discedente \ominus ia extravertuntur, multasq; Oeconomix animalis turbas concitant, appetitus deficit ob segniorem spirituum in Ventriculum influxum, chylicatio quoque minus prompte peragitur. Quin etiam amor nimius huc suum symbolum confert, ille enim
adeo

adeo impense occupat animum, in consideratione ob-
jecti concupiti, ut adhibeat spiritus omnes qui cerebro
insunt, ad ejus ideam continuo sibi repræsentandam, un-
de universum corpus & ipse sanguis influxu animali, quo
debent vigorari, defraudantur, ex quo penu illis dene-
gato, omnium viscerum languor succedit, illorumq; fun-
ctiones cessant.

XIII.

Proximum est, ut breviter quantum res p. n. ad dys-
crasiam talem humoribus inducendam valeant, indi-
cem; Ita febribus diuturnis quandoq; hoc malum suc-
cedit, cum enim ex sanguine in crebrioribus paroxysmis
spiritus plurimum evaporent, cruor inde debilior, & fe-
re vappidus evadit, interim \ominus ia evehuntur magis & ex-
altantur, unde sanguis ex sapore subdulci in acidum de-
generat, quin etiam scorbutum & viscerum scirrhus ple-
rumque insequitur noster affectus, verbo, in omnibus
morbis, in quibus flamma vitalis tantæ activitatis non
est, ut materiam morbificam attenuando ac resolvendo
expellere possit, seminarium ad hunc affectum dispo-
nens relinquitur.

XIV.

Cæterum quia nonnullæ etiam passionis hypochon-
driacæ dantur differentiæ, ne illas silentio præteriisse vi-
dear, tres in medium afferam: Primo igitur affectio hy-
pochondriaca differt ratione partis affectæ, dum hanc
vel illam partem magis affligit, unde in quibusdam ægris
Ventriculus, Epar, Lien magis patiuntur, in aliis aliæ
partes sub hypochondriis contentæ. Secundo differt
affectio hypochondriaca ratione causarum, interdum
namque à causa externâ sine vitio alicujus visceris origi-
nem suam habet, interdum à causa interna; nimirum vi-

scerum vitiis. Tertio ratione symptomatum, interdum enim gravissimis & intolerabilibus stipata symptomatibus, in aliis vero minus gravibus levioribusq; comitata deprehenditur.

XV.

Causis propositi mali hætenus evolutis, differentiisque ejus traditis, signa potiora præsentem futurumque corporis afflicti statum manifestantia, indagasse juvabit, tantum enim curamus, quantum cognoscimus; optima verò signa constituunt symptomata, quæ quam multiplicia & varia in hoc affectu occurrant, neminem Præticorum scripta evolventem latere potest; potiora saltem hîc adducam, incipiendo ab illis quæ in infimo ventre sunt conspicua. Primo igitur hic occurrunt Cardialgia, Ructus, Vomitus acidorum humorum, cum enim propter fermentum digestivum depravatum, assumpta non in laudabilem chylum, sed in Massam acidam viscidam convertantur, ubi hæc Massa fermentescere incipit, Θ ia ejus resoluta majorem acquirunt acrimoniam, fibrasque sensiles orificii Ventriculi sinistri lancinant ac vellicant, unde dolor ille & anxietas præcordiorum oriuntur, ubi vero materia hæc acido-viscida per intestinum motum fermentativum magis resolvitur & attenuatur, ructus acidi insequuntur, tandem vero si fibræ tunicæ Ventriculi nerveæ liquamine tali acido ad plenitudinem saturantur, ope spirituum animalium illæ in spasmos concitantur, quo se ab impropotionatis talibus particulis liberent, unde vomitus producitur. Tormina quoque intestinorum & distensiones hypochondriorum dolorosæ ab eodem acido in subiecto viscido hærente oriuntur, dum illud intestinorum membranas pungit, rodit, & lancinat, asfociato
verò

verò alkali bilis cum ipso effervescit, effervescendoque majorem locum quærens tensivarum illarum distensionum causa existit. Multi quoque hypochondriaci alvum semper adstrictam habent, serum enim quod è plexibus intestinorum glandulosis continuo exsudat, ac lubricas excrementis vias præstat, si crasi vitiata indolem austeram ac stypticam fortiatur, in glandulis stagnat, facileque aciditatem hanc fibris intestinorum motui peristaltico dicatis, communicat, quæ inde constringuntur, ac constrictione sua excrementis transitum liberum denegantes, remoræ illorum diuturnioris in intestinis causa existunt.

XVI.

Symptomata medii ventris affectum hunc concomitantia varia sunt. Primo notatur respiratio difficilis, quæ inducitur hypochondriacis vel propter rarefactionem nimiam sanguinis, vel ob ejus stagnationem & grumescentiam aliqualem; illa fit, quando sanguis hypochondriacorum dyscrasiam acidam fovens à motu vehementiori aut assumptis acribus calidioribus, aut halituosis in corde nimis rarefit, tunc enim cum impetu in pulmones irruens vasa sanguiflua nimium distendit, ut bronchiorum vesiculas comprimant, quo minus explicari queant, aeremque pro indigentia corporis admittant; hæc verò contingit ex defectu *πνευματοσεως*, sanguis etenim, quando particulis activis rite exaltatis haud sufficienter imbutus est, in corde non cito satis rarefcit & se expandere conatur, quin ægre fermentescens & in corde stagnare aptus, valde illud aggravat, expulsus tandem in pulmonum vascula impeditissimos ejus canales minus prompte transiens eosdem obstruit, aërisque accessum pari ratione ac in priore casu inhibens, respirationem

an-

anhelosam reddit. Interdum etiam asthma convulsivo hypochondriaci tentantur, dum enim fibræ nerveæ musculorum ab acrimonia acida irritantur, libera thoracis dilatatio & constrictio pervertitur, pulmonumque expansio & subsidentia debita impeditur. Nec ab incubo liberi sunt, cum enim chylus crudior & viscosior cordi advectus subigi nequeat, circularem sanguinis circa præcordia, & hinc spirituum quoque animalium in cerebro atque appendice ejus, motum turbat, unde turbulenta insomnia, & ob denegatum spirituum in organa motoria influxum variarum functionum læsiones, ex quibus sola respiratio & vocis interceptio impedita, phantasie offertur, quia solus thoracis motus in somno summe necessarius est. Cordis quoque palpitatio hypochondriacis satis molesta existit, quæ vel exinde oritur, quod sanguis illorum pituitosus, vaporosior redditus, ventriculorum fibras ita dilatet & distendat, ut illæ non possint perfectam absolvere systolen, & se ab infarctu liberare, sed per iteratas palpitationes sanguinem exprimere cogantur, aut contingit illa, propter Eia sanguinis acriora, quæ dum cor continuo pungunt ac vellicant, non possunt non motus tales anomalos excitare. Nec à syncope immunes vivunt malo nostro detenti, cum enim sanguis ob visciditatem & crassitiem suam, aut propter acidum quoddam excessivum, imprimis ex pancreate ipsi infusum, coagulationem intendens, non ritè possit in corde rarefieri, ipse in præcordiis periculose stagnat, à circulatione peragenda inhibetur, partesque exteriores influxu vitali defraudantur.

XVII.

Restat ut jam quoque excutiamus symptomata in suprema corporis regione potissimum obvia; ubi
primo

primo occurrit dolor capitis, pro causæ diverſitate nunc
 gravativus, nunc tenſivus, nunc pulſatorius; quando
 enim ſerum viſcidius in ventriculis cerebri ſtagnat, ibi
 repletionem & gravitate ſua, ſenſationem ejusmodi mo-
 leſtam atque gravamen inducit; quod ſi verò halitus
 acidi aliarum partium, tunicas ſenſiles lancinantes, per
 conſenſum fibras etiam diſſitas in capite tendant, dolor
 tenſivus exinde ſentitur; pulſatorius verò obſervatur
 præcipue aliquot horis poſt paſtum, cùm enim crudio-
 res chyli portiones tunc temporis ſanguini aſſociantur,
 efferveſcentia p. n. ſanguinis contingit, per quam
 motus ejus rapidior & celerior redditur, atque inordi-
 natius arteriolas capitis diſtendens, pulſatorii doloris
 autor exiſtit. Vertigine inſuper, ſcotomia, tinnitu au-
 rium, plurimi hypochondriaci divexantur, cùm enim
 ſanguis ipſorum diverſis & heterogeneis ſcateat parti-
 culis, ubi ad cerebrum pervenerit, hæc corpuscula he-
 terogenea ſpiritibus infeſta, ex parte in cerebri poros ſe
 inſinuant, conformationem illorum regularem inver-
 tunt, ut ſpiritus in gyrum quaſi agantur, ubi verò inti-
 mius obſtruunt meatus, circa nervos opticos præſentes,
 ſcotomiam, circa nervi autem acutiſti originem, motum
 talem perverſum ac tremulum auribus inferre valent.
 Multi quoq; ex hypochondriacis Melancholiæ obnoxii
 notantur, ideo, quia acidum illud vitioſum, in infimo ven-
 tre potiſſimū ſedem ſuam habens, ſpiritibus animalibus
 aſſociatur, unde hi quoque diatheſin acetofam induunt,
 & cum antea ſumme mobiles & elatiſti fuiſſent, jam
 torpidi evadunt, & à ſolitâ ſuâ agilitate deſciſcunt, at-
 que ubi in cerebri meditullium ſe receperunt, illud ſe-
 mel ingreſſi non facile rurfus deſerunt, unde quoque
 ratio petenda, cur Phantafia illorum ea, quæ ſemel con-

cepit, semper sibi habeat obvia, spiritus siquidem cerebri poros semel ingressi, propter fixitatem suam concentrantur quasi, ut eandem ideam semper præsentem habeant.

XIIX.

Enumeratis hucusque symptomatibus accensendus sudor nimius, in quibusdam Hypochondriacis observatus; sic refert *Nob. D. Emanuel. König. in Regno suo animali pag. 16.*, quod noverit virum summe Hypochondriacum, qui sudoribus nocturnis velut diffuens, tantam sudoris copiam intra scrobiculum cordis colligere solitus fuerit, ut cochlearibus ipsum excipere potuerit, qui exceptus ac prunis ardentibus impositus, in gelatinam abierit; nam cum chylus recens sanguini infusus, propter malam hujus diathesin non ritè assimiletur, ille confusus saltem, nec per minima conjunctus, cum sanguine, ubi exitus datur, secessum molitur; & facta simul propter insufficientem α -uum generationem, toni fibrillarum nervearum per cutis reticulare corpus dispersarum nimia relaxatione, glandulisque cutis nimis porosis & laxis redditis, serum nutritium exitum patulum nanciscitur.

XIX.

Tantum de symptomatibus præcipuis, signorum diagnosticorum loco inservientibus, dixisse sufficiat: Pergimus ad Prognosin quæ triplex habetur: (1) Ratione salutis & mortis, affectus hic per se lethalis quidem non est, periculo tamen non vacat, præsertim ubi interioribus visceribus labes jam affricta sit. (2) Ratione longitudinis & brevitatis malum hoc contumacissimum est, ac multum temporis ad curationem postulat, quod etiam jam olim Hippocrates agnovit: Morbus, in-

quiens,

quiens , diuturnus est , qui non nisi diu vexatos ægros & consenescentes dimittit , quando eos relicturus est , aliquando etiam ad mortem usque comitatur. (3) Ratione modi eventus , si curationem non admittat affectio hypochondriaca , sæpius in Anasarcam & Hydropem definit , cùm enim sanguis in crasi sua indies depravetur , humorumq; ferosorum acrium excrementitiorum proventus inde uberrimus propullulet , non potest non fieri , quin tandem acrimoniâ suâ tales humores vasa lymphatica perrumpant , inque varias corporis partes sese effundant , aut si propter viscositatem suam poros partium penetrare non valeant , subsistendo varios tumores oedematosos producant : interdum etiam passio hypochondriaca in Apoplexiam , Paralyfin & Epilepsiam terminatur , pro diversa materiæ morbificæ metastasi.

XX.

His ita consideratis ad Curationem sive Solutionem morbi artificialem nunc accedo , quam ægri à Medico potissimum expetunt. Eadem autem secundum distinctas Indicationes , generationis modo è vero causarum ordine deducto ritè oppositas , perficienda erit , sicuti id candidè demonstravit *Vir Nobiliss. Ampliss. Excellentiss. atq; Experientiss. DN. JAC. PANCRA. BRVNO, Philos. & Med. D. Theor. & Pract. Prof. Publ. Celeberrimus, Patronus ac Præceptor meus sanctissimè colendus , in Colleg. Pract. MSS.*

XXI.

Prima igitur Indicatio esto , ut res nonnaturales , quæ fuerunt causæ procatarcticæ præsentis affectus , pro futuro materiæ morbificæ proventu prohibendo mutantur , contra tales substituantur & ordinentur , quæ sanguini futuro temperatiori , minusq; heterogeneitatibus acidis aut tartareo-Θinis terrestribus repleto , com-

modam materiam præbent. (2) Ut dyscrafia illa acida viscida, alterando & evacuando tollatur, atque spirituscentia nova sanguini inducatur. (3) Ut fermenti Ventriculi spirituosa activitas restauretur & corroboretur.

XXII.

Jam ergo ut satisfiat primæ Indicationi, Aër in quo æger noster vivit, sit purus, tenuis, nullis exhalationibus peregrinis refertus, contra frigidus & borealis vitetur. Victus sit mediocris, cibi boni succi facilisque concoctionis præbeantur ex carnibus agninis, hædinis, vitulinis, pullorum gallinaceorum, perdicum; panis sit bene fermentatus, seminibusque carminativis conditus, fugiantur verò *δυσπρεπία* & quæ tartareum, crassum, lentum ac viscidum succum generant, uti carnes piscesque saliti ac fumo indurati, item caseus antiquus, legumina, fructus horæi. A prandio vel cœna peptica usurpentur, cujusmodi habentur Pulv. stomach. Birckmanni cum Conf. sem. anisi. Trag. stomach. Quercet. vel Hartmanni. Potus sit clarus ac defæcatus, qui medicamentosus reddi potest herbis aperiendi & detergendi vi præditis, uti absinth. card. bened. meliss. ling. cervin. caryophyllat. fl. borrag. infusis: Concedi quoque poterit ∇ hordei chalybeata, it. Dctum herbæ Thee moderatè haustum. Motus corporis sit moderatus, & præcipue ante cibum instituatur, sic enim fermentum Ventriculi activius redditur. Somnus & Vigiliæ moderate se habeant, & nec in excessu, nec in defectu delinquant. Quoad animi affectus, gaudio atque hilaritati studeat æger, contra abesse jubeat mærorem, tristitiam, sollicitudines, desperationem, nec se committat meditationibus profundis aut lucubrationibus ad seram usque noctem protractis. Excreta nisi ordini natu-

naturæ aut consuetudini respondeant, arte promovenda, sicque ad utriusque leges revocanda sunt.

XXIII.

Ad secundam progredior Indicationem, quæ sanguinis humorumque dyscrasiam acido viscidam alterare atque evacuare jubet; cui fini gemino remedia Pharmaceutica & Chirurgica feligenda erunt.

XXIV.

Et Pharmaceutica quidem quod attinet remedia, pro alterandâ in malo hypochondriaco peccante sanguinis humorumq; dyscrasia acido-viscida, conveniunt
I. Incidentia & aperientia, acria & ina volatilia, nec non temperata oleosa sive sulphureo-ina, ut & amaricantia, ex quibus artificiose junctis sequens e.g. Vinum Medicatum præscribi poterit:

℞. Rad. quinq; aperient.
caryophyllat.
enul.
acor. āā. ʒiij.
Cort. cappar.
aurant. āā. ʒij.
H. meliss.
menth.
absinth.
cochlear. āā. Mj.
Fl. anthos
genist.
bugloss.
violar.
Summit. centaur. min.
origani āā. Pj.

Sem. anis.

fanicul. āā. ʒij.

Incis. & contus. dr. ad faccul. è sindon. alb.

Sgr.

Species zum Kräuter-Wein.

II. Θ ia lixiva fixa, præsertim ex herbis Epaticis, Spleneticisque communiter dictis, parata. *III.* alcalia volatilia, uti Θ volat. C.C. succin. eboris tartari, Ω *ci volatil. urinosus. *IV.* \mathcal{J} ialia aliàs hic laudatissima, tum quod acidum absorbeant, tum quod sanguinis motum fermentativum ac spirituascentiam restaurent, uti sunt: Limat. \mathcal{J} (vel per se usurpata, vel in nodulo Vino medicato modo proposito, indita,) \mathcal{J} iale diaphoreticum, Crocus \mathcal{J} aperitivus cum Θ ibus, Syr. chalybeatus, & Essentia hypochondriaca Cl. Dolæi descripta in Encyclopæd. p. 80. Liquor terræ \mathcal{J} ialis Θ ris, TRa vitrioli \mathcal{J} aperit. Zwelf. Essent. \mathcal{J} cum succo pomor. Borsdorffian. parata &c. Ex quibus formulas quisque pro lubitu conciliabit, dum duas apposuisse sufficiat.

Rx. Croci \mathcal{J} aperit. cum Θ ibus. ʒiij.

Pulv. cachect. Querc. ʒj.

Ol. Cinam. gtt. iiij.

M. Dr. ad chart. iiij. æquales. Sgr.

Besonders Stahl-Pulver auf viermahl.

Vel

Rx. TRa Θ li \mathcal{J} aperit. Zwelf. ʒij.

Elix. propriet. antiscorb.

vel absq. acido parat. ʒj.

Deß Morgens frühe etliche Tropffen mit dem Kräuter-Wein oder warmer Suppen zu nehmen.

V. Absorbentia & resolventia, quæ inter Helmontius ocul. ☿, Sydenhamius verò corticem peruvianum maxime laudant. VI. Acida blanda, temperata, uti sunt ♀, ☉, ☊, vitr. dulc. pro circumstantiarum varietate usurpanda.

XXV.

Medicamentis autem hisce sanguinem & humores acido-viscidos alterantibus, jungenda sunt præparantia communiter dicta, ad evacuationem disponentia, fordesq; primarum viarum detergentia, ubi optima censemus ☉sa vel enixa qualia sunt: Terra foliata tartari, & ejus liquor, tartar. vitriolat. Acid. tartar. chalybeat. Arcan. duplic. Mynsicht. &c.

XXVI.

Quibus præmissis, pro evacuandis iisdem humoribus adfunt: (I.) Lenientia passulata e. g.

℞. *Pulp. passular. ʒiij.*
Cort. citr. cond. & tenuiss. incis. ʒiij.
Arcan. duplic. Mynsicht.
Pulv. rad. jalapp.
Acidi tartar. chalybeat. āā. ʒj.

Mr. cum Syr. de pom. solutiv. pro Elixir.

(II.) his non sufficientibus purgantia, majori efficacia humores viscosos fundentia, viz. Pilul. Melanogog. Querc. Tartar. Bont. Pil. Magistrales *Sylvii descript. in Prax. Med. Lib. I. cap. XIV. §. 50.* Vel extempore tales præscribantur.

℞. *MP. Tartar. Bontii*
Extr. Pilul. tart. Quercet. āā. ʒß.
☉is Tartar. gr. iij.
Ol. fenicul. destillat.
anis. destillat. āā. gtt. ij.

Mr. cum Elix. propr. dulc. F. Pil. n. xxv. in aur. pro i. dosi.

Vel

Vel

℞. MPil. de hier. cum agar. gr. xv.
Gumm. ammoniac. in †to solut. ℥ss.
Cholagogi insuccati. gr. ij.
Cum ♀ Cochlear. F. Pilul. n. xxxv.

Aut si vinum medicatum & alterans, & purgans, magis placuerit, seq. nodulus præscribatur.

℞. Rad. s. Aperient.
Polypod.
Helen.
Filicis āā. ʒiiij.
Herb. Cuscut.
Absinth.
Agrimon.
Eupator. āā. Mj.
Flor. Genist. Piiij.
Cort. Tamarisc.
Fraxin. āā. ʒij.
Fol. Sen. s. s. ʒvj.
Fibr. Ellebr. nigr. non præparat. ʒj.
Rhabarb. elect.
Cinamom. āā. ʒiʒ.
⊖ Tartar. ʒj.
Mr. pro nodulo.

(III.) Emetica, testatur enim Sennertus, in malo pertinaci hypochondriaco observatum fuisse, eos humores è primis viis rejectos, qui purgantibus evacuari non potuerunt. Formula talis esto

℞. Tart. Emet. Mynsich. gr. ij.
⊕ lat. gr. iiij.
Ol. anis. gtt. j.
Mr. F. Pulvis. Sgr. Brech-Pulver.

(IV.) Huc

(IV.) Huc faciunt quoque Enemata, primas vias pituitamq; ibi collectam evacuantia, e. g.

℞. *Rad. Cichor.*

Alth. āā. ʒj.

Fol. Malv.

Alth. āā. Mj.

Pariet.

Nasturt. aquat.

Fl. Sambuc.

Chamæmel. āā. Mʒ.

Sem. Anis.

Fœnicul.

Fœnu græc.

Lin. āā. ʒj.

Coq. in f. q. ▽. Hord. Colat.

℞. ℥. j.

Add. *Elect. diacath. ʒiij.*

lenit. ʒij.

Ol. chamæm.

rutac. āā. ʒʒ.

Lap. prunell. ʒj.

Mr. pro Enemate.

Nec (V.) negligenda Diaphoretica & Diuretica, tam Eina lixiva, quam alcalia volatilia, rei Medicæ gnaris notissima.

XXVII.

Confugere adhæc licebit ad Acidulas, tanquam sacram salutis Anchoram, cum primis Ægranas, quæ, ratione — acidi sulphur. embryonati, incidunt ac resolvunt, ratione autem Venæ ♂ corrosæ, Eia acida in corpore oberrantia absorbent.

D

XXIIX. In-

XXIX.

Inter Chirurgica remedia, propositæ Indicationi secundæ inservire perhibentur: (1.) Venæ Sectio, modicè pro sanguinis aut stagnantis commotione, aut ventilatione celebranda, in brachio, aut pede, si suppressio hæmorrhoidum, aut, in sexu sequiori, mensium simul concurrerit, (2.) Hirudinum Venis Hæmorrhoidalibus applicatio, qualem Veteribus in hoc casu in usu frequenti fuisse, autor est *Zacutus lib. 1. de med. princ. hist. cap. 4.* (3.) Cucurbitulæ scarificatæ, lumbis, aut ad facilitandum hæmorrhoidum mensiumque fluxum, natibus applicatæ. (4.) Fonticuli, in brachio aut femore excitandi, ex naturæ consilio, quæ pro expugnando malo hypochondriaco, non raro abscessus molitur.

XXIX.

Consideranda restat (III.) Indicatio, ut fermenti Ventriculi spirituosæ activitas restauretur, & corroboretur, quo faciet usus Trag. stomach. Querc. aut Birckman. Spec. aromat. rosat. pro mors. Imperat. Diagal. Diacin. Elix. vitrioli Myns. Eff. menth. absinth. &c. non omisissis Unguentis & Linimentis, atque Emplastris stomachicis, quibus practitorum libri scatent.

XXX.

Sed hic Plato quiescere, & à speciali, symptomatibus variis in Malo Hypochondriaco occurrentibus, debita mitigatione enarranda abstinere jubet, quæ alias generaliter per sedativa Archei peragitur, omnium enim particularium symptomatum curam tradere velle, esset totam Praxin transcribere.

Interea

DEO TRIVNI SIT LAUS ET GLORIA
IN ÆTERNVM.

COROL-

COROLLARIA.

I.

PRæter sanguinem, & que vitales, etiam humores excrementitios per arterias ferri ad intestina, atq; in eorundem cavitatem, mediantibus glandulis ipsorum, secerni, probabile est.

II.

Helmontius, dum lac interdicat recens natis, aliudq; nutrimenti genus illi substituendum censet, in naturam injurius est.

III.

Dulcibus nutrimur.

IV.

Sanguis ad prudentiam multum confert.

V.

Anima rationalis functiones animales in corpore non præstat, sed saltem dirigit.

VI.

In Virginibus quandoq; salva earum integritate posse lac reperiri, nec rationi nec experientiæ contrarium.

VII.

Medicamenta operantur ratione configurationis particularum suarum.

VIII.

Omnesq; suas operationes in corpore per contactum materialem exerunt.

IX.

Imaginatio multum ad remedii effectum promovendum facit.

X.

Viliora præcipitantia, ut oculi canceri, corallia, testacea, gemmis, si non præferenda, saltim non postponenda.

D 2

XI. Quod

XI.

Quod variae TRæ rubicundæ metallorum, sulphur ipsorum metallorum, à reliqua metallica substantia diversum, & realiter separabile, in se absorpserint, nondum firmis satis rationibus probatum.

XII.

Cum sulphur non verum colorum principium sit.

XIII.

Sed eorum essentia unice consistat in luminis modificatione causatâ à textura superficiali corporum.

XIV.

Opium humorum fluidorum, quâ talium motum cohibere nequit.

XV.

Nec solidas partes in functionibus suis motivis retardare valet.

XVI.

Sed quum saltem impetum sistit, motumq; illorum sufflammat.

XVII.

Opiata per accidens sudorem movent.

XVIII.

Gravidis nocent.

XIX.

Medicina duobus cruribus innixa est, rationi & experientiæ.

XX.

Chalybeata sanguinis fermentationem promonent.

XXI.

Nulla febris tuto, & absq; recidivæ metu, curatur absq; diaphoresi.

XXII.

Terror solus causa proxima pestis non est.

XXIII.

Nec etiam pestis venenum consistit in seminio animato.

XXIV.

Sed in e volatili acri sui generis, sanguineæ craseos destructionem intentante.



☉ I. ☉

STORCHI, *hypocondriacos* abigit Tua cura dolores,

Ægros & Medicos qui cruciari solent.

Vis genii, Ingeniique; Tui & prudentia, rectè ab

Ægris effertur laudibus & Medicis.

Gratulor hanc sortem. Votis DEVS annuat!
ut sis

Victor Morborum & Vita, salus populi.

Ita de Studiis Nobiliss. ac præclarè docti

DN. CANDIDATI, Fautoris & Inqui-

lini sui perchari, augurabatur

MAVRICIVS HOFFMANN, Med. D.

& Prof. prim. Potentiss. Elector. & Se-

reniss. Marchion. Brandenb. Ducumque;

Wirtemberg. Reique; Publ. Norimberg.

Archiater.

☉ II. ☉

Ad Nobiliss. & Clarissimum

DN. JOH. CHRISTOPH. STORCK,

Medic. Candidatum, Amicum

singularem.

Όνοματοπαίγνιον συγχαρτικόν.

ΟὐλίϞ Ζάων ἐφίων κακέργων
δὴ καλεῖται ἀντίπαλϞ πέλαιγος, (α)

τεπίες ράμφε κεκοφώς τάχισα

καὶ κατερείπων.

Τῷ ᾧ μνήμων ἱερογλύφειο
 Συμβόλῃ τέτῃ, Φίλε ᾧ ΠΕΛΑΡΓΕ,
 Τῶν κακῶν σεμνῇ δέλεαρ μύθοισι
 ᾧκα λαπίζας,

ἄντικρυς Παιμονίῃ Φερίτῃ
 ἐν νόον τέχνη καρτέων ἀπαρτί
 ἡμᾶρ ἥσκησας μαλαῖ ἥτε νύκτωρ
 ἐσθ' ἡσθ' ἡσθ' ἡσθ'.

Εὖγε ἐν ταύτης δρετῆς· Πελαργὸς (b)
 Τύγε δέρετῳ τ' ἐρίανον φέρον
 πλήρῃ δ' ὀκλειῶς μετέπειτα ἰδμῶν
 μινύμα ἄλλο,

καὶ θεόσοργ' πολυμήχανός τε,
 Φῶτας ὅς πλείους κρυερῇσι νέσσις
 εἶδεν ἐκ - μασιζομύχης - ρύεσθαι,
 ἴδι' Ἀκέστωρ.

L. M. Q;
 f.

JACOBVS PANCRATIVS BRVNO
 Phil. & Med. D. hojusq; Prof. Publ

- (a) Unum Hieroglyphicum: Ciconia serpentem rostro dilacerans: denotat Voluptatum & malorum affectuum dissipationem.
- (b) Alterum Hieroglyphicum: Ciconia Origani ramusculum rostro tenens; significat Medicinam sibi comparatam. De utroq; videatur ex *Pierio Ulyss. Aldrovandus l. 20. Ornitholog. c. 1. ed. Bonon. p. 305. 306.*

III.

Um commune malum doctorum exponis *Amice*,
 Sub costis spuriiis quod cruciari solet;
 E Medici docti nomen tituliq; manebunt,
 Et doctæ frontis coccina mitra decus.
 c erit haud impar docto fortuna labore,
 ut votis fiat major & illa precor!

Nobiliss. & Clariss.

DN. STORCKIO

*Medicina Doctorando meritissimo
 gratulabundus
 deproper.*

JOH. MAVRICIUS HOFFMANN,
 Phil. & Med. D. Anat. & Chem. Prof. P.
 ac Facult. Med. p.t. DECANVS.

IV.

Ic Hypochondriacum *disquiris AMICE sagaci*
mente malum, ut magnum, TE petat inde bonum.
oc ut in horas inq; dies augeat, & illud
cesset perpetuo, faxit APOLLO PATER!

Liceat ita

Numen Ter-Optimum omnis
 salutis fontem

sub nomine peregrino & commentitio,
 pro salute plurium communi

& CL. DN. Doctorandi propria
 festinanter, at toto tamen pectore, sollicitare
 ingenuè-gratulabundo

M. JOH. CHRISTOPH. STURMIO,
 Philos. Nat. & Math. P.P.

V.

c est: Non cygnus gryphum atq; *Ciconia* corvum
 gignit, sed similem gignit uterq; sui:

Et

Et Tu STORKE refers Magni magna aula Parentis,
inde Patris titulo (a) nobiliore nites.
Te summæ laudis, si celsior ire parabis,
destituent apices: Nominis altus apex.

(a) Legis enim Vestigia B. Dn. Parentis,
qui Artis Apollinæ Doctor, ac in Pa-
tria, Reverendiss. ac Sereniss. Abba-
tissæ Archiater, Reiq; publicæ ibidem
Physicus fuit famigeratissimus.

Nob. & Clariss. DN. DOCTORANDI,
Canonici Hervordiensis, conati-
bus ita applauserunt Inaugurali-
bus

COMMENSALES.

✂ VI. ✂

So geht man Wolken an/ so wird der Weg bereitet
Dem/ welchen Tugend führ't/ und Den die Kunst begleitet;
Wer späten Nachruhm sucht bey der gelehrten Welt/
der hat den Compasß stäts zur Weißheit hingestell't.
Glück zu/ Hochwerther Freund! jetzt wilt Du noch mehr weizen
den Sinn uud scharffer Lehr/ damit Du könn'st ergezen/
mit weitberusnen Lob (a) die von dem Sizzen krank/
wer so die Künste schöpf't/ hab' es den Lehrern Dank.
Geh fort auf dieser Bahn/ daß Du mög'st höher fliegen
zum blauen Sternen-Feld/ Du wirst gewiß nächst kriegen
auf (b) Peter Paul das D, des Fleißes rechten Lohn/
dann sieh'! Apollo selbst bereitet jetzt die Krohn.

(a) Vita enim sedentaria permultum
tribuit Malo Hypochondriaco.

(b) Hic dies præ cæteris in Alma nostra
Altdorffina lapillo niveo notandus,
quoniam hoc ipso utriusq; Facultatis
creantur Doctores,

Dem Zn. Licent. als seinem Brüderlich
vertrautesten Herzens - Freunde und
hoch zu ehrenden Tisch-Glède hat mit
diesen geringfügigen Zeilen schuldisst
aufgewartet

JOH. GEORG. ZAPF, Natural. & Med. Stud.
Erphordiâ Thuringus.

✂ VII. ✂

VNica cura fuit didicisse fideliter artem,
Hinc tantis meritis digna brabea capis.

Nobil. & Doctiss. Dn. Doctorando, familiaritate, mensâ,
atq; Contubernio sibi conjunctissimo, gratulabund. appos.

M. F. GEVDER.